

光緒永安州志

兵志第五

國家承明制府縣城守分防者爲營兵役於有司備防緝爲民壯邊地巖險世守屯隘爲土兵營汎數單或額虛可防而已民壯儕輿皂以供拘使雜差尤罕銳精者土舍耕兵自清其田入正賦後貧弱靡可恃猝有警賴民團耳然以平亂亂平又無所置之結會相煽不可株究發則治之方伏固未由制也兵政易敝又豈惟養兵費煩已耶

永安兵自自成化設州時調五屯旂軍百二十名駐防歲終輪換又於城西南立桂林哨撥桂林兵二十四名戍守又於榕崗平崗高天平坦立四哨把總四人

永安州志

卷四

兵第五

國朝改爲把總一人分防兵十二名撥防各塘兵十七名十七名分七塘守隘東南隘曰古蘇自古蘇下十五里至昭平界兵三名自古排上十里至峽口爲古排塘兵二名自峽口上二十里至貓兒塘兵二名自貓兒上三十里至杜莫砦塘兵二名杜莫上二十里至荔浦界兵二名北隘曰馬鬃嶺自嶺上五十里至本汎修荔界兵三名西北隘曰平坦平坦上八十里至本汎兵三名此營兵之略也

永安民壯額設二十二名十名習鳥槍餘習排刀按省志載民壯之設始於明宏治二年立法僉充分州縣爲四等最小





止百里者僉取二人調發訓練稱曰機兵隸巡檢者曰弓兵  
嘉靖二十二年大增其額小縣尙五百二十視初立不啻十  
倍然少則不足用多又靡可供給歸於虛費而已山陽胡氏  
論民壯謂官不以供武衛徒以拘罪人催科尙未盡其弊矣  
永安土兵向屬土舍有平崗榕崗兩家平峒者成化間旣設  
州調慶遠府荔波縣

國朝改隸貴州都勻府屬南丹土州總管李恭著領土兵勦  
永安平峒諸堡徭事平使爲平峒土舍子扶寶世襲永安州  
吏日寶子立應襲應子法廣襲廣子朝明襲明子道真襲真  
子振揚襲至順治二年振揚子時蕃襲時蕃世襲其後康熙

永安州志

卷四

兵第五

二

二十四年廷仕襲雍正二年上聘襲聘子蒨蒨子朝茂茂弟  
超梅超弟愈梅至道光初襲者愈任品佳二十六年襲者佳  
弟清華華以軍功得官具人物志中同治九年襲者其子生  
員錦城也榕峒者覃滿亦南丹人嘉靖間調勦榕峒平後爲  
土舍與平峒同襲者曰維勳曰世裕曰世通曰一奇雍正二  
年襲者武生一麟今未替也至其兵數志皆互異胡志曰平  
峒土舍知州閉魯詳題所立所管平峒哨木匠堡六章堡耕  
兵百八十名高天古帶喇崖四堡耕兵百三十七名平坦乃  
門橫勞伏洞四堡耕兵七十五名合三百九十二名榕峒所  
管榕峒古東乃曇吳材乃要乃得上樟下樟小山灣大山灣



龍嶺以喇峽口十三堡合耕兵四百一名共應九百九十三名矣其志堡目則稱西街三十六名舊縣三一五名東坪三十二名十萬山十一名古眉十四名陳村三十六名峽口十六名永安州三十六名平東砦十四名木匠十九名潘村十四名貓兒十三名龍嶺十四名得門三十六名是又應止三百二十二名未知何者爲實數也然據耕兵條云土舍堡目七名堡兵三百十名田二十七頃十二畝零一分八釐征銀一百零一兩四分九釐一毫二絲順治十七年已清出入正賦則三記兵數雖不符皆廢不用可存不辨矣

永安爲州屏蔽昭梧控扼蠻獠左界潯灘二江之間爲形勝

永安州志

卷四

兵第五

三

要地今取要隘分錄次之其方位有踏誤併依今測會圖正定馬鬣嶺隘在州西北四十里與荔浦界

平坦堡隘在州西南五十里與修仁平南大山界

古蘇堡隘在州東南二十里與昭平大山界康熙六十年知州劉國棟詳請設兵九名防禦指此三隘也平坦者一統志所稱平旦鎮也九域志云立山縣有桂峽平旦葛莪利來四鎮日坦固通轉字矣古蘇者咸豐初洪逆出古蘇坤卽此詳具後篇

仙廻營在州東南七十里地有仙廻洞亦曰仙廻山東南距昭平百二十里本屬平樂宏治十一年督臣鄧廷瓚請以仙



廻洞田給昭平耕種是也萬曆四年築城置堡有仙廻巡司  
古眉營見地志古眉山下卽置古眉巡司處  
羣峰營在城北羣峰山詳見地志羣峰山下

古西巖口隘在城東北接荔浦昭平二縣界爲猺賊出沒處  
隆慶三年荔浦三峒賊攻城撫臣殷正茂議討未果賊益肆  
六年討平仙廻諸巢復破之高天巢火攻盡殲之

杜莫砦在城北七十里萬曆二年築城置戍里道記曰北四  
十里曰潘村又北三十里曰杜莫又東北二十里至荔浦縣  
佛巢堡在城東又六十里至昭平縣

三昧巢在城東北五十里又西北四十里至荔縣

永安州志

卷四

兵第五

四

古造六峒志云州境嶂岡重叠獠獞充斥嘉靖後漸次埽除  
惟古造六峒與修仁相連至爲險扼六峒峒口守禦爲易故  
杜莫砦爲州咽喉州西南百四十里界籐縣之五屯所爲州  
唇齒尤不可忽也

兵事殉難

咸豐元年洪逆陷州城官殉難者永安州知州吳江學正丁  
履吉平樂協副將阿爾精阿今有訓導唐煥文旌忠碑其文  
曰昔孔子云志士仁人無求生以害仁有殺身以成仁如吳  
阿丁三公者誠可謂志士仁人矣溯諸公之盡節也咸豐元  
年歲次辛亥秋八月洪逆之亂公三人力守孤城勢不能濟



遂至城陷吳公阿公成仁關帝廟中丁公成仁本學署內前  
經州牧彭公作檀勒碑豎此以旌其忠洵美舉也後因賊寇  
迭起擾害多方乙丑冬予司鐸此土目覩碑傾中心惻然誠  
恐泯沒無傳鳩工刻石復立無負彭公之盛心亦善善從長  
之意云爾

是時城陷同三公殉難者廩生湯慎武增生湯慎德蘇保德  
生員湯珏湯慎禮湯慎文莫奇莫嘉德黃慶文監生陳德輔  
而外死者數百人不可盡得其姓名其著者又有蘇松齡黎  
慎德湯慎祺湯慎嶽

東平里殉難者武舉姚體行生員姚明新黎杰其姓名著者

永安州志

卷四

兵第五

五

李永祥李貞祥李禮懷范湛光歐錫芳錢本珍黃運正

羣峰里殉難者六品軍功黃政治生員吳標瑞其姓名著者  
羅晚羅建江羅錫有黃水養黃待齡黃潛文黃允昌黃品立  
黃允奇黃允階黃廣盈黃二周正陳嘉崇農六二李珠亮李  
粹枝曾大三陸美森陸定佳廖翠陸建文婦女殉難者黃李  
氏李楊氏

眉江里殉難者黃鳳韶黃鳳祥黃鳳占黃鳳臻黃鳳材黃鳳  
笙黃鳳威黃巴宗黃儉宗黃郁玉黃洸玉黃萬玉黃正美黃  
正儒黃煥然黃亞甲黃苟紅黃五黃晚鍾大袁大劉八陸生  
羅聲遠蒙亞木陸發蘭關汝修盧木匠婦女則黃陸氏黃韓



氏黃黃氏

已酉以來十九年兵事記略

道光二十九年己酉八月十二日平南匪來是時知州張輔世甫謝任居西河韓六其公祠匪衆百餘人由西鄉六張界出口中間報以二更到賊至黃橋洞遙望西河村尾諸村林立皆官兵旗幟驚而遁實無一兵相傳以爲龍母顯佑也然州自是亂始萌矣

三十年庚戌正月十五日夜月明朗三更時候有平南賊千餘由西鄉六張界出時平定久民不知兵驟聞賊咸驚懼賊遂襲城城門閉攻不得入遂劫長壽墟各鋪雞鳴滿載由舊

永安州志

卷四

六

路而去城中練勇暨各鄉團練丁協力追獲十餘賊送官正法生員關馨德士兵陳宗保追至六樟冲被害是時知州爲劉公葆真也

咸豐元年辛亥八月初一日洪逆破州城平樂協阿爾精阿知州吳江學師丁履吉委帶練丁增生蘇保德湯慎德自募義勇監生陳德翰等殉難洪逆名秀全廣東花縣人在平南之紫金山蓄謀倡亂以拜上帝爲名誘脅百姓相聚旬月間至數千遂僭稱太平王各省官軍集同進剿賊遂率衆出馬練橫過大黎由眉江上水秀峰湧而來先是阿公督兵來州防守分軍夏宜口堵禦自率一軍守水秀七月二十八日賊



至軍寡不敵退入城二十九日賊環城攻打城中亦力拒守  
八月初一日酉刻賊盡取市上編炮堆聚城西南角如山乘  
西南風大作炮燃烟氣蔽天城上人眩暈遂不支賊由陳姓  
門樓架天梯過城遂破阿公與吳公至關帝廟再拜自縊丁  
履吉與合室男女俱赴井而死於是典史宋光烈爲賊所害  
千總馬榮陞棄城走蘇保德湯慎德陳德翰俱巷戰死城中死  
者數百人烏都統蘭泰率兵由夏宜口來援山路崎嶇馬不  
可行遲到一日烏帥因進軍由子嶺營之與賊相持

二年壬子二月十五日洪賊棄城遁初破城時賊約三千餘  
分紮城外大窖嶺團官嶺州頭舊縣莫家各村築營旣而官

軍四面俱到賊因不得窺出烏帥兵旣先到駐由子嶺旬日  
出軍與賊對仗數陣互有所傷旣而兵中於瘴病者多戰多  
死故不能有功是時大兵集者北則賽相尙阿大軍駐上龍  
東口北流涼亭閩南則張敬修由昭平唐山進兵營獨守廟  
蒙排洞賊亦先留一軍營水秀以禦官軍東則向提督榮兵  
在昭平大廣仙廼等村截賊去路又東古蘇冲則壽春兵守  
之最後又有李 率軍到屯古蘇村背築壘未成賊悉精銳  
來攻犯陣銳甚自辰至酉官軍不支李營破三官軍惟烏帥  
數臨陣其餘高壘自固與賊相持出軍主帥意亦不相孚宜  
不能勝也是時賊少官軍多若協力相接應賊衆不難盡滅



人謀不臧竟使全局糜爛天也二月十五日夜悍賊千餘先行先老弱婦女繼之以精兵斷後取古蘇冲道而去烏帥聞賊走自統大軍追之是夜陰雨泥濘約五更初及於龍寮嶺斬後者千餘人然烟霧濛迷相對不見賊遂回大隊拒戰官軍官軍死者亦千餘不能復追賊遂由南洞繞道牛角嶺過荔浦馬嶺出六塘墟日夜兼程以進僞官軍旗號欲襲省垣而向帥聞賊出荔浦知其謀自率大隊星夜取捷路入省城纔一刻賊到紮將軍橋未及攻城烏帥兵亦到遂開仗督陣甚嚴爲飛炮傷退軍六塘歿焉省城守旣力賊知不可破乃出全州下洞庭踞江南而首被其害者吾州禍尤慘於古蘇永安州志

卷四 兵第五

八

坤也  
三年癸丑知州張輔世再蒞任招流亡甫復業有外匪亞鷄七帶同韓五等數百人踞文墟擾西鄉官不在城賊猝至入監放囚徒出肆掠團練見賊少遂協力追殺至文墟賊亂四竄獲數十人盡戮於石蘭江底是役也地方未甚害自是後寇盜蜂起平南桂平賊則吳亞金東江五蒜頭四陸蛤精亞撐十永福寨沙則潘妹基藤縣則吳亞元等往來蹂掠人不復堪矣

四年甲寅五月十六日平南賊首陳宗江五在馬練率賊數千由西鄉南鄉分道來州民爭逃竄擾十餘日乃退人心方



思亂且飛蝗徧野五穀不登升米需錢百餘文且不可得貧民無所得食多拜台  
結義恃強侵奪無安歲矣是時各鄉團練未成民俱立山寨居無敢在家安處者  
五年乙卯賊首吳亞金率賊數千由修仁來犯鋒甚銳太平  
墟麥來有義兵千餘稱善戰時應召來代保境聞賊到卽偕  
本鄉團練至涼亭接仗有馬隊賊百餘突而至勢如驟雨練  
丁不能支而敗陣亡者百餘人次日西鄉團練千餘人出至  
鬪嶺與賊交戰亦爲馬隊冲敗奔十餘里教師歐典章在白  
子村教習聞賊率徒數十人來助陣奮勇向前典章用三义  
鈿連斃數賊鈿柄猝斷遂爲賊斃練丁陣亡者又百餘人在  
境擾月餘由平坦退去是時苦遊寇官軍猶爲主賊爲客民  
有休時至張羔友起而州亂始深

六年丙辰時太平遊賊常在州盤踞民時受其殃羅州主飭  
信保團約期擒拏二月某日黎明時各團俱至盡擒黃亞元  
等誅之八月十九楊亞德逆帶賊由太平上四鄉團練咸至黃村  
接仗大敗而歸帶勇練首黃慶雲陣沒賊遂長驅入練首梁  
上才被執遇害十一月荔浦賊張羔友由修仁排底竄新墟  
適蔣帥益澧率兵來擊賊夜竄到州不敢停止卽下太平大  
黎去古朗砦團紳要而截之獲而戮者二十餘人是時州人  
被張逆之擾省府城方戒嚴請兵而不可到民羣相聚立砦  
避賊州東古浪山頂先立堡名泰安砦於是近東諸村相率



爲之泰安砦外曰金湯砦蓮花砦能定砦營潘砦油麻砦其間砦何馬砦崖响坪

七年丁巳張羔友破州城踞之時州人陳協戎培桂率犷勇數百奉檄來紮於古天村背出與賊戰連勝乃移紮古朗砦脚營甫定賊來攻其鋒甚銳砦上練勇不及應遂破移札古朗山馬頭嶺銳氣頓挫賴各助軍各砦供官軍米八萬斤勢復振連戰四十八次賊亦不能勝遂僞受招安誘張把總至沙子嶺害之是役也東平里受害倍烈無復春耕至七月張羔友始退攻永修荔三界之蓮塘堡破據之以爲巢是後賊遂任意來去倏忽無常而我州遂成邱墟矣

永安州志

卷四

兵第五

十

八年戊午張逆復來州城十二月二十三日晡時猝然而至知州章國棟方在堂訊事聞賊至卽遁賊追至十二窰殺之州印失去二十四夜賊破古朗砦各堡震慄賊遂挾脅各團頭出街立局勒令捐納糧米蓄髮方許照常耕種民多曲從圖苟延而已

九年己未各砦旣立局輸糧張羔友遂留賊目陳亞俊林文章陸海涵等統賊數百屯札墟尾彈壓之陳林二賊與陸不睦遂私投團總蕭春元莫世熙姚受爵等願受招安陰約團總接應殺海涵自效僅斬數十人海涵逃免奔蓮塘求救張逆遂親率大隊來復仇陳林不能敵張逆遂大逞遇人卽殺



遇砦卽毀而民益流離生所矣

是年八月二十日有江南官軍擊敗髮匪二三千賊首陶金湯係洪秀全所取僞進士與僞軍師羅姓者道經蓮塘會同張羔友率衆竄擾吾州陶逆自稱統領太平天國全軍都督盤踞州城命羅逆率匪分駐東平里大塘村每值三六九日高搭一臺親身宣講僞 聖諭嗣因張逆探悉陶逆囊橐充物起意吞併遂于黑夜率匪將陶逆殺戮盡掠所有并逼其衆歸張統轄羅逆聞風脫逃不知去向至十月中旬復有由江南來著名賊酋僞翼王石大開率殘匪十餘萬入境所有州屬墟市村舍廟宇均皆住紮幾無隙地其露宿郊野者亦永安州志

卷四

復不少蹂躪數日卽由古眉峽全股竄去



十年庚申州境以內鄉民無復敢回鄉耕種者逃徙既空屋宇亦盡焚燬民不聊生矣十一年辛酉州遭賊擾東西二鄉人無得食逃避外境者十八九無賴者遂隨賊衆下眉江破黃村土圍武舉姚體行生員姚明新等被害嗣是村舍成墟田園茂草荒涼滿目非復人間矣冬十一月張逆授首餘黨漸從招安民始有生旋之望

同治元年壬戌知州劉深到居平樂州人略有復業者但城市變爲邱墟荆棘滿道誅茅闢土力良費焉二年癸亥州主抵治招集散亡卽莫家祠爲官署城內草礫如山山中藏豺虎

士商返者皆結茅舍以居開荒鋤土焉三年甲子田地開荒將次全完時有官軍經過訛傳爲賊百姓尙無不驚惶逃遁長壽墟亦以是屢被火人以爲吾州地方劫運猶未滿也四年乙丑各村開荒田畝極豐稔各耕民始輸租州署於是年亦行修復惟城中尙無居人五年丙寅居民漸復業遂重建長壽橋以次修復各廟宇矣張逆之平後乃各立土圍土圍者若旣破就平地立之知府方公炳奎協鎮陳培桂札飭行也其各圍有團長凡八營一堡晉昭營團長曰農協恭李慶芳黃定邦陸坦平梁光斗古萸營團長曰范超義楊占春古桐營團長曰陸象乾陳重德營潘營團長曰李遠泰黃元紹



古天營團長曰莫有乾陳宗芝古墨營團長曰莫註道刁循  
理古帶營團長曰覃鯉化陸朝亮水秀營團長曰呂聲洪嚴  
國寶茶山堡團長曰李清華莫毅然

同治十三年有積匪沈十一勾結土惡覃方渙作亂未發知  
州陳亮采訪獲解府正法梟示光緒十三年積匪李亞鑑勾  
結匪百餘攻金秀猺謀踞爲巢陳亮采率親兵練丁到卽逃  
散獲李亞鑑正法

光緒十八年積匪盤日新改名明德人猺糾衆謀滋亂知州  
鄧文淵緝獲之宥諸羽黨請永監禁明德猺人始安

光緒十九年會匪首蔣得標賀如龍林纘廷潛來州通土匪  
永安州志  
卷四 兵第五  
十三  
覃恩祥莫日山陳金萬等放票布誘亂入會者千餘人知州  
鄧文淵查得之獲覃莫陳三匪得標逸去以計併獲正法事  
聞加文淵直隸州知州



人物志第六上

州名永安始明成化自唐宋來爲州縣舊矣顧人物靡傳匪  
荒裔故亦無地志然歟道光季年金田鉅寇蹂擾徧海內機  
先開於是州古蘇坤之遁向使陳丹林蘇仁軒輩得一當其  
衝阨何遽至此哉近時用武交南卽得宮保蘇君鎮帥馬君  
竊意建州來四百年必有魁碩奇瑰之材鬱不見施設者人  
材見伏又可勝道乎

國家養士文武恆相濟爲用今州武功決拾百夫易操券矣  
而頓都人士力積書雖未備大致已略具苟梭討有力安見  
不更得一鄭象州呂永福王馬平也志是州人物先全錄舊

永安州志

卷四

人物第六序

十四

載學行益之近代戰勳生存雖偉例不立傳以爲避諛爲人  
物上篇其或青紫相映者或絃誦獲效或戎馬立績綸誥受  
錫華皓邀福者皆足光寵則錄之無遺秀良之彥甄採是司  
書其姓名省覆出於目間故亦推而載之爲中篇表樹風教  
內外一也後序詳之在下篇



行義

黃扶寬明眉江里下漂村人饒于財而勤敏好學年二十二妻亡里中富人欲以女妻之誓不再娶州人義之

龍文斗明時西廂人縣學生善養生指甲長數寸遭亂讀書不輟夫婦皆九十

楊倫國朝陝西華陰人官守備吳逆之亂率子應奇孫鵬萬隨巢平樂悉力捍禦有功鄉民感之後以老辭職遷家永安爲人慷慨好義樂善不倦鄉里推重

唐仁性惇謹州同職唐朝選子年十八娶妻李氏二十二妻亡一子纔二歲仁不忍再娶嘉慶末年年八十一歲四代一

永安州志

卷四

人物第六上行義

十五

堂人以爲天佑其義焉

楊本榮字立齋乾隆乙酉歲貢讀書潛心不事詞章文自雅馴生平且攻書法事親孝父母病早夜焚香祝天願割己年增親壽父母年俱登九十人以爲孝感致云胞兄早歿姪方週歲撫之過已出每泣然曰吾見姪如見兄也後教養成名創長壽橋工浩大牧伯難之本率同志力任其事不日橋遂成慕義崇正溫和不處族黨一生無一字入公門尤善與人排難解紛歿之日知名士輓者數邑人無遠近咸惜焉知州玉公旌曰孝友賢良

陳奕美秉躬敦懿立志謙和奉府旌曰耆德知州何呈秀旌



題以額曰品行無間

陳本懋字秩倫布政司經歷職孝友敏慎樂善好施少勤學弱冠卽登庠序生母鄧宜人早逝事嫡母楊宜人善體親心就職加級邀封以報親恩楊宜人常謂人子如懋何必親生也人咸曰州有懋美事易成也如挪喇石龍兩橋遵親鼎建長橋倡率修行峽口水陸艱險橋成不固復於嶺左開一坦道計長三里州人便之更置義地一所於蒙管嶺背爲貧民塋所不惜重貲廣施利濟如此其餘扶危救困排難解紛和親睦族人言無間牧是州者無不重其品行題聯額贈焉盧可登爲人謹飭不入城市恒以謙謹訓子孫卒年八十三

永安州志

卷四

人物第六上

十六

梁賦性樸茂廖龍李道祿俱端方奉府旌以耆德知州獎梁匾曰卓越可風獎廖曰德行獎李曰善門

周良臣正直和平舉司木鐸鄉里欽服

楊文奇字殿舉敦孝友福壽兩全目爲永安完人少年勤於肄業爲弟子員試必超等學使許公羅公屢刊其試文以廩貢生歷署鬱林南甯西林陸川教官教化大行士子咸賦詩誦德陞錦城府經歷以母年八十乞終養母患足疽藥罔效朝夕吮之乃愈父先歿無遺像見夢兆中以語畫工次日追摹識其父者曰靈氣儼然益幽明交通孝感如此訓胞弟文權專學業舉壬午科鄉試又廟宇橋梁凡有益地方之業無



不力任偕妻關氏日觀四代兒孫成名公則屏跡杜門言行不苟與里人無競鄉黨敬畏之知州任公旃以額日積善貽謀後玉公暨劉公每欲舉公鄉賢而公固辭劉公贈聯云洛社耆英歸白傅武城弦誦老澹臺玉公撰文祝雙壽焉歷任官茲土者無不仰其風壽入十七終其妻關氏現年九十有一精神尙康健

韓交字淡如州學增生謙厚好施有才幹州牧陳公大輦捐俸置眉江書院田約租二千斤不敷膏火費付交經理十餘年置田得租至萬餘義學永賴交之力也學宮將圯交約同人力新之各廟宇橋梁靡不爭先竭力知州任公忠庾題其

永安州志

卷四

人物第六上

十七

間曰敦行不怠劉公重麟建申明亭成欲刊善惡數人于石以爲懲勸善人首擬交交力辭且議曰惡者刊于石恐無以自新代爲請免劉公聽之八十餘精神尙矍鑠行善不倦焉黃殿魁附生性孝友敦謹父早歿知母愛憐兩幼弟盡心教育以慰母志果能成立以明經薦交友亦久要不忘士林並重之

黃立林字滋圃廩生孝友過人恆以讀書敦行訓鄉里署慶遠府訓導任懷集訓導新甯學正厯官凡三十年所著映雪軒詩集藏於家



功烈

蘇保德字仁軒增生姿穎異金田賊起先犯永安乃毀家募勇州主吳江飭官兵登陣守禦賊攻城三晝夜勢甚危援兵將至賊冒死撲城魚貫梯登城陷與賊巷戰力竭被害年裁三十一巡撫勞崇光以狀聞卹銀七十兩光緒改元劉長佑撫廣西復以守城艱苦死事慘烈非尋常殉難可比奏請從優議卹給銀貳百兩賞雲騎尉世職旋以二子貴追贈建威將軍入祀昭忠祠

陳培桂字丹林東平里人世居州城南門外道光三十年平南匪夜劫州街率健兒數十擊之獲數名解府計擒首逆何

永安州志

卷四

十八

先正周亞國等七名追咸豐改元洪逆破州城投都統烏蘭泰部戰輒身先雖炮傷腦後毫無畏蕙嗣是州屬連年遭賊曾手刃首逆陸三計斬潘義勝等十餘名生擒積匪七十餘名竭數年力土匪悉誅人民安堵論功洊擢守備換戴花翎由平樂協都司任升署本協副將此六七年事也是年股匪張羔友竄擾州城督兵駐古朗砦歷五十餘戰賊勢不支遂竄踞蓮塘爲巢分其黨陳俊等紮兩營于州街爲倚角勢乃以計誘陳反戈相擊除擒斬外餘黨悉竄同治元年助剿蓮塘破其巢由叅將升補副將五年署梧州協副將十一年署撫標中軍保升總兵光緒元年由梧州副將調補廣東惠州



協副將生平樂善好施新墟峽口水湊渡頭皆建涼亭以便行人抽田業入水湊樟村爲兩處渡船費用并勒有碑記黃政球字家珍羣峰里古排塘龍氣村人少負偉異咸豐元年洪逆陷州城投烏都統蘭泰麾下屢立戰功城復後州境連年遭賊會計斬陸三潘昧機梁義勝等諸酋隨率健兒剿辦蓮塘張羔友坡頭何先體黔省叛苗山京蔡晚各股匪身經百戰前後俱捷嗣以援剿越南邊匪功洊擢花翎叅將加副將銜此威同間事也道光緒初年督兵彈壓懷遠苗疆兼權融懷營叅將篆任十二年歸養屢徵不出宦蹟另載縉紳蘇元章字斐然道光附生北廂州頭街人咸豐元年洪逆陷

州城父保德以死殉與弟元春相切曰賊不滅吾不生投筆入楚軍隸統帥席寶田部時江右告警率敢死士百餘奮勇擊賊敵輒披靡嘗一日克復崇仁東鄉宜黃南豐零都五城自是流賊聞蘇軍至無不膽落先是僞首洪仁玕僞幼主洪福瑱寇豫章欲合康海揚于閩偵得確信率師日夜追趕獲二逆駢戮設父靈以祭以總兵記名換孔雀翎及黔苗作亂席帥告歸薦伯仲接統剿辦竭五年力蕩平黔境黔東婦孺至今頌之捷聞記名提督賞頭品頂戴穿黃馬掛免騎射加三代一品封典賞法福陵阿巴圖魯號旋有遊匪鄭全擾粵西境奏調來粵陣斬鄭逆患平署右江鎮有匪麻景翠叛服



不常自蜀潛歸廉得之縛於滇界三龍坡麻笑曰生平畏蘇大人今死其手無憾矣光緒甲申法夷寇陷越南弟元春提督廣西乃乞休戊子冬積勞病歿于湖南祁陽

蘇元春字子熙同治間與兄同入楚軍隸統帥席寶田部率健兒赴援江右敗賊十數萬一日克復五城流賊聞之莫不喪胆曾手擒僞首洪仁玕僞幼主洪福瑱戮以祭父靈游擢總兵記名賞換花翎迨接統援黔歷五年而黔境蕩平捷聞晉提督賞頭品頂戴穿黃馬褂免騎射光緒庚辰統師平江華徭匪甲申奏調粵西平思恩土匪其年法夷寇陷越南奉諭旨督辦廣西邊防軍務與法夷戰于多福鎮南諒山交

淵觀音橋等處所在克捷補廣西提督換雙眼花翎世襲輕車都尉兼一雲騎尉加太子少保銜時年四十五歲

馬盛治字仲平世居州之北鄉羣峰里古排塘前村同治間從記名布政使司東安席寶田援黔嘗率健兒數十敗苗匪數十萬衆於烏鴉坡一晝夜擊逐二百餘里獲首逆張臭迷楊大六潘老盲姜老拉諸凶黔苗蕩平保至提督銜升用總兵貴州補用副將光緒庚辰江華徭叛率偏師擒元愨趙才良甲申潘鼎新撫廣西法夷寇陷越南隨赴援北甯潰軍十七營散紮牧馬一帶潘收集散潰均不得其要領乃受檄歸併控制得宜改爲熙字六營統領其軍出越南新街爲援越



右路之師攻復越南多福府鎮南關諒山省克捷法夷求成  
賞黃馬褂記名總兵留兩廣補用副將補廣西柳慶鎮總

兵制府張之洞奏留爲邊防各軍統領時年四十三歲  
李錦華字曉霞原名胆棠道光附生東平里銅盤村人同治  
六年襄辦援黔楚軍文案論功洊擢留黔補用同知加知府  
銜十三年引 見光緒元年復以黔省上下游肅清保免補  
本班以知府補用并 賞戴花翎三年平巨寇四脚牛保俟  
補缺後以道員二年署青谿知縣四年總辦綦岸釐金局務  
七年總辦寶豐硃砂廠務十四年署廣順州知州十八年署  
平越州知州

永安州志

卷四

蘇元瑞字藹庭羣峰里新墟人性穎異喜吟咏有儒將風同  
治六年投援黔楚軍統領席寶田麾下隨剿根竹驕頂三丙  
華夷各處逆匪克復台拱凱里城池論功保守備嗣隨兩兄  
元章元春盪除黃飄白堡諸苗匪搗六洞丹古堅巢沿邊安  
堵免補都司升遊擊率營勇兼署凱里營都司光緒初年黔  
省上下游一律肅清及剿平四脚牛巨寇洊擢副將賞換雙  
眼花翎十年法夷寇陷越南奉調赴粵防剿攻復多福府及  
鎮南諒山文淵長慶觀音橋等處克捷法夷求成以提督記  
名補貴州威甯鎮總兵十四年到任十六年以

皇上二旬慶典一品誥封四軸二十二年復調赴粵統領毅新



保舉

文職

莫世熙字春臺增生咸豐間以辦團功保舉藍翎六品縣丞  
加同知銜

陸聯珠字媚川廩貢生咸豐間以辦團功保舉訓導

姚受爵字錫一廩貢生咸豐間以辦團功保舉訓導

農協恭字敬臣增貢生以辦團功保舉訓導

李慶芳字春華監生以辦團功保藍翎六品縣丞

呂聲洪字鈞堂廩貢生以辦團功保舉縣丞

蕭春元字鳳池增生以辦團功保舉縣丞

永安州志

卷四

二十二

莫 沅字楚川附生以辦團功保舉巡檢

黎 杰字子雄附生以辦團功保縣丞與賊對伏陣亡于秀

才村

黃登虬附生以辦團功保舉巡檢與賊對伏陣亡于泥陂江口

蘇元兆字法臣從元章元春兩兄襄辦軍務多所謀畫論功

保舉知府 賞戴花翎在龍州轉運軍需積勞病歿軍中狀

聞加太常寺卿蔭一子以知縣用

蘇元錦字映波附生襄辦越南防務論功海擢花翎知府積

勞歿軍中

劉體成眉江里人咸豐間以辦團功保縣丞



容若春附生以襄辦越南軍務功保巡檢

杜榮甫附生以襄辦越南軍務功保五品銜

陳培魁以剿平坡頭巨寇功保藍翎知縣

李錦垣附生以幫辦越南軍務功保舉巡檢

韓少卿附生以幫辦越南軍務功保巡檢

保舉

武職

陳景瑄咸同間以幫辦軍務論功保千總加守備銜

黃政常咸同間以軍營功保藍翎千總

黃政龍咸同間以軍功保藍翎把總

永安州志

卷四

二十三

吳良崧咸豐間以辦團功保六品

余億中咸豐間以辦團功保六品

馮國禮咸同間以剿平蓮塘股匪功保五品把總

楊思順咸同間以軍功保把總

范超義咸同以剿平蓮塘股匪功保五品外委

黃定邦咸同間以辦團功保六品外委

莫如爵光緒間以平越南功保藍翎把總

周興發光緒間由軍功保藍翎五品把總

陸美亮光緒間由軍功保藍翎把總

韋乃綱光緒間由軍功保藍翎把總



徐拔廷光緒間由軍功保藍翎把總

姚可定同治光緒間以平定貴州越南功洊擢花翎總兵

吳田秀同治光緒間以平定貴州越南功保藍翎叅將

韓兆祿同治由軍功保花翎叅將

莫順道同治光緒間由軍功保藍翎都司

黃中和光緒間由軍功保把總

姚廷璋光緒間由肅清廣西邊防軍功保藍翎六品把總

姚廷棟光緒間由肅清廣西邊防軍功保六品把總

馬光明光緒間以廣西邊防軍功保舉都司

曾恩榮光緒間以廣西邊防軍功保守備銜千總

永安州志

卷四

二十四

馬勝賢由軍功保千總

吳順貴由軍功保把總

林文光由軍功保把總

李元謹以軍功保把總

何盛寶以軍功保把總

陸偉前以軍功保把總

盧懷敏以軍功保六品把總

縉紳文職

莫遜仕明萬曆間舉人官遼東自在州知州歷任福建福州府浙江湖州府通判山東武定州州同



莫遜佐明萬曆間拔貢官浙江慈溪縣知縣歷任北直河間  
景州州判慈溪縣縣丞

黃國金明萬曆貢官廣東州同

鍾世爵明萬曆貢官湖北州同

姚志學萬曆十三年貢官四川珙縣知縣

黃國命萬曆三十三年貢官南甯府教授

吳存成萬曆三十五年貢官福建福州府經歷

盧 信萬曆四十五年貢官江西貴溪縣丞

龍大擢萬曆四十五年貢官藤縣教諭

粟振民萬曆四十八年貢官陝西長安縣丞

永安州志

卷四

二十五

關 統明萬曆間官廣東高州府古良司巡檢

陳大負明天啟間官平南縣僧會司巡檢

蔣維貴崇禎間三考吏官陰陽學

關 申崇禎間官天文館吏目

黃偉遠明崇禎拔貢官廣東香山知縣

關啟基順治十八年恩貢官藤縣教諭

關學孔順治間官福建侯官縣

關進賢康熙三十五年貢官浙江武康縣丞

郭有宏康熙三十五年貢官賓州訓導

何文煜康熙三十八年貢官遷江訓導



黃三錫康熙四十四年貢官陽朔縣訓導

何文焜康熙四十七年貢官陽朔縣教諭

陳凝康熙舉人官海澄縣知縣

王念璋康熙乙酉科副榜官永福縣教諭

陳詩雍正元年拔貢官廣東三水知縣

關傑雍正四年貢官柳州府訓導

關翊雍正六年貢官蒼梧縣訓導

韓名顯雍正十二年貢官永寧州訓導

李坤乾隆十六年貢官太平府訓導

李圻乾隆十六年貢官臨桂縣訓導

永安州志

卷四

二十六

楊文權乾隆舉人官上林縣教諭

袁信乾隆舉人官來賓縣訓導

關學良乾隆二十九年貢官雒容縣訓導

關學祖乾隆三十六年貢官武宣縣訓導

韓名遂乾隆四十二年貢官興業縣訓導

楊文奇乾隆廩貢官鬱林州訓導歷任南甯西林陸川教諭

陞用奉天錦州府經歷

關學閔乾隆廩貢官崇善縣訓導歷任四川嘉定府經歷

楊先榮乾隆廩貢官鬱林州訓導

關學球乾隆廩貢官思恩府訓導



關學周乾隆廩貢官全州訓導

陸 甯嘉慶五年舉人官浙江布政使司庫大使

黃國顯嘉慶七年貢官潯州府訓導

黃殿颺嘉慶恩貢官來賓縣教諭

黃立林嘉慶廩貢官慶遠府訓導歷任懷集縣訓導新甯州學正

章 連嘉慶廩貢官上林縣教諭

楊正銘嘉慶間官浙江德興縣典史

楊正品嘉慶歲貢官蒼梧縣教諭

陳德純嘉慶間官貴州眉潭縣典史

莫若琇嘉慶

拔貢副榜

官興安貴縣教諭歷任梧州南甯全州陽

永安州志

卷四

二十七

朔上林藤縣訓導

關家璧嘉慶廩貢官國子監典簿

關家鯉道光貢官南甯府教授

韓光訓道光廩貢官柳城縣訓導

韓啟周道光廩貢官上林縣訓導

莫若機榜名任生道光舉人官湖北咸甯知縣

李錦華原名宣棠道光附生光緒間官貴州清谿知縣歷任

廣順州平越知州保升知府加道銜

章鶴揚道光廩貢官興業教諭

李清華道光附貢官義甯武緣訓導



莫世楷咸豐拔貢考取學漢教習旋告歸

陸載獄咸豐貢官天河縣教諭

吳鼎光同治廩貢官柳州府訓導

馮汝修同治舉人官湖南清泉嘉禾知縣

陳培壽同治舉人官宣化縣教諭

黎純熙同治附生以幫辦越南軍務功官廣東九龍司巡檢

韋炳奎同治附生以幫辦越南軍務功官廣東封川縣巡檢

縉紳武職

莫若璟道光丙申科進士藍翎侍衛官陝西漢中鎮遊擊歷

任西安營守備甘肅三眼井都司鄜州營潼關營都司延綏

永安州志

卷四

二十八

協副將

陳培桂道光咸豐間奮身戎伍以軍功洊擢儘先題補總兵

賞戴花翎歷任昭平把總永甯千總平樂協都司副將撫標左營

叅將梧州協副將廣東惠州協副將

孔憲隆咸豐六年奮身戎伍以軍功洊擢提督銜賞戴花翎

記名總兵官柳州提標右營遊擊嗣奉檄統軍赴粵黔交界

地方鎮邊七年

蘇元章邑庠生成咸同間投筆入楚軍論功洊擢花翎提督頭

品頂戴賞穿黃馬褂世襲雲騎尉統兵鎮楚奏調回粵官百

色右江鎮總兵兼統田陽緝捕各軍



蘇元春字子熙咸同間偕兄元章投効楚軍論功洊擢花翎提督 賞穿黃馬褂雙眼花翎世襲輕車都尉兼雲騎尉統兵鎮楚因法夷構釁轉戰越南捷聞 旨着補廣西提督軍門加太子少保銜兼督辦廣西邊防軍務

蘇元瑞字藹亭同治間隨兩兄元章音投効楚軍論功洊擢雙眼花翎

翎提督官貴州鎮遠鎮左營守備歷任鎮遠中軍遊擊凱里營都司升補貴州威甯鎮總兵兼統本標練軍

馬盛治字仲平同治間投効楚軍論功洊擢花翎提督賞穿黃馬褂因法夷寇禍藩服隨蘇公元春轉戰越南捷聞 旨着補廣西柳慶鎮總兵兼總統邊防各軍

永安州志

卷四

二十九

黃政球字家珍咸豐間投効軍營論功洊擢叅將加副將銜賞戴花翎官恭城汎把總補平樂協右營千總歷任平樂協右營守備撫標右營中軍守備富賀營都司南甯城守營都司融懷營叅將兼帶撫標右軍右營彈壓苗疆旋告終養屢徵不出

張宗培同治間以効力貴州軍營功保花翎副將官融懷營叅將歷任右江鎮標中軍遊擊右江鎮總兵

周坤元同治間以効力貴州軍營功保千總官貴州朗洞千總吳如組咸同間以剿平蓮塘功洊擢藍翎都司官鬱林營守備歷任百色鎮標守備



黎瑞春同治光緒以効力貴州越南軍營功保花翎都司官  
廕蘇營都司

舉人

程 英明宏治己酉科未仕

莫遜佐明萬厯甲午科仕

徐化龍明崇禎丙子科未仕

劉中桂康熙三十五年丙子科未仕

陳 凝康熙四十一年壬午科仕

邱上澧康熙四十四年乙酉科未仕

黃三召康熙五十年辛卯科未仕

永安州志

卷四

三十

楊文權乾隆二十七年壬午科仕

袁 倌乾隆四十八年癸卯科仕

陸 甯嘉慶五年庚申 恩科仕

莫若璣榜名任生道光二年壬午科亞元仕

杜隆瑜道光十一年辛卯科未仕

馮汝修同治六年丁卯科仕

陳培壽同治十二年癸酉科仕

孔慶麟光緒五年己卯科解元

李盛春光緒十四年戊子科

黃榜標光緒二十年甲午科



蕭韶美光緒二十三年丁酉科

永安州志

卷之四

又三十



姚廷珠光緒二十年甲午科

副榜

王念璋康熙四十四年乙酉科仕

莫若琇嘉慶二十三年戊寅 恩科仕

恩賜副榜

劉三連乾隆年未仕

李公善道光年未仕

李清華光緒二十年甲午科仕

拔貢

莫遜佐明萬曆王子科仕

永安州志

卷四

三十一

黃暉遠明崇禎間

仕

蔣允旦康熙間

未仕

陳 詩雍正元年癸卯科仕

莫若琇嘉慶二十三年癸酉科仕

杜隆瑜道光五年乙酉科未仕

莫拱辰道光十七年丁酉科未仕

莫世埭道光二十九年己酉科未仕

莫世楷咸豐十一年辛酉科

姚受祿同治十二年癸酉科

黃鳳麟光緒十一年乙酉科



武進士

莫若璟道光十二年壬辰科武舉丙申科武進士仕

武舉

陸麟瑞嘉慶二十四年己卯科亞元

姚體行道光十九年己亥恩科

陸定邦道光十九年己亥恩科

梁上保道光二十九年己酉科

援例文職

未仕者

姚光傑州同

韓豫立

楊正誥

韓彬立

章拔揚

分發廣東巡檢

關任

韓演

楊文捷

永安州志

卷四

三十二

唐朝聘州同

陳光政

陳本彝附生

布政司理問

陳本毅州同

陳德和

陳德彰

陳德浩

唐朝臣

楊正誥

鹽運司知事

陳已粹

莫若珮

杜崇義

章璵

關家範

從九

梁達堂

莫品高

章挺揚

章揆揚

關永椿附生

縣丞

陳鎮宇附生

州知

黃履泰

貢生

莫家瑞

黃好慎

縣丞

韓翊周

從九

援例武職 未仕者

陳訥

千總

陳本行武生

守御所千總

杜肇甫

千總

莫瀚

千總

莫若燦

千總

莫漢

黃殿滄

千總

黃中彰武生

千總

陸載崑武生

千總



明朝貢生

黃國金 萬曆 間仕

鍾世爵 萬曆 間仕

姚志學 萬曆十三年 貢仕

黃國命 萬曆三十 五年貢仕

吳成存 萬曆三十 五年貢仕

盧 信 萬曆四十 五年貢仕

龍大擢 萬曆四十 五年貢仕

姚時泰 萬曆貢

粟振氏 萬曆四十 八年貢仕

莫遜僑 天啓二年 貢

莫遜僕 崇禎九年 貢

盧可登 崇禎十二 年貢

黃甲傑 崇禎貢

黃廷相 崇禎十四 年貢

莫與文 崇禎 恩 貢

關宗成 崇禎貢

粟調鼎 崇禎貢

盧繼顯 崇禎貢

國朝貢生

何應甲 順治十四 年貢

唐廷俊 順治十六 年貢

關啟基 順治十八年 恩貢仕

盧 蒸 順治十八年 貢

莫與宏 康熙三年 貢

郭維鼎 康熙九年 貢

永安州志

卷四

姚之哲 康熙三十三年 貢

關進賢 康熙三十年 貢仕

郭有宏 康熙三十五 年貢仕

何文焜 康熙三十八 年貢仕

黃三錫 康熙四十四 年貢仕

何文焜 康熙四十七年 貢仕

周之楷 康熙五十三 年貢

廖文楷 雍正二年 貢

張爾賢 雍正二年 貢

黃 儀 雍正二年 貢

關 傑 雍正四年 貢仕

關 翊 雍正八年 貢仕

莫志遴 雍正貢

姚士超 雍正貢

李 瑤 雍正貢

楊天湛 雍正貢

劉 學 雍正貢

韓名顯 雍正十二年 貢仕

李汝亨 乾隆十二年 貢

李 坤 乾隆十六年 貢仕

李 圻 乾隆十六年 貢仕

關學韶 乾隆十九年 貢

梁挺松 乾隆二十六年 貢

湯嗣錦 乾隆三十六年 貢

關學祖 乾隆三十六年 貢仕

關學柳 乾隆三十八年 貢

歐應陽 乾隆四十二年 貢

韓名遂 乾隆四十二年 貢仕

關學文 乾隆貢

楊發榮 乾隆四十五年 貢



唐之綱 乾隆四十七年 貢

杜肇熾 乾隆五十二年 貢

楊本榮 乾隆五十四年 貢

李遂生 乾隆五十七年 貢

關學瓚 乾隆六十年 貢

黃殿傑 嘉慶三年 貢

吳世業 嘉慶六年 貢

章璣 嘉慶貢加 捐同知

袁學詩 嘉慶貢

黃國顯 嘉慶貢化

唐椿 嘉慶 恩貢

關學朗 嘉慶十一年 恩貢

關學彬 嘉慶 恩貢

杜肇焯 嘉慶 恩貢

黃殿颺 嘉慶 恩貢

關學醅 嘉慶 恩貢

李高 嘉慶 恩貢

關學芳 嘉慶十二年 貢

李肇芳 嘉慶 恩貢

楊正品 嘉慶 貢

蔣世傳 嘉慶貢

姚挺 嘉慶貢

關家鯉 嘉慶貢

李品芳 嘉慶貢

黃潤 道光貢

姚泰堂 嘉慶貢

廖成昌 嘉慶貢

永安州志 卷四 三十四

玉振 道光貢

銀濟良 道光貢 同治選已故

劉好賢 道光貢

黃相偉 道光貢

關家訓 道光貢

韋鶴揚 道光 貢仕

潘庸 道光貢

韋廷桂 道光貢

韓禹勳 道光貢

姚體備 道光貢

溫 和 道光貢

袁體颺 道光貢

鍾萍 咸豐貢

黃敬忠 咸豐三年 恩貢

吳纘周 咸豐五年 恩貢

溫大純 咸豐八年 貢

黃履泰 咸豐十一年 貢

姚錫齡 同治元年 恩貢

關維奎 同治三年 貢

韓興周 同治四年 恩貢

關維熙 同治六年 貢

覃鯉化 同治九年 貢

唐憲章 同治十二年 貢

姚澤新 同治十二年 恩貢

黃雲龍 光緒元年 恩貢

陳毓珍 光緒二年 貢

黃輔宜 光緒五年 恩貢

潘仕元 光緒五年 貢

陳嘉憲 光緒八年 恩貢

陳鎮朝 光緒十年 貢

何雲衢 光緒十四年 貢

溫恩溥 光緒十五年 貢



黃敬修 光緒十五年恩貢

劉安淮 光緒十六年貢

蕭乃文 光緒三十年貢

廩貢

楊文奇 乾隆間任

關學閔 乾隆間任

楊先榮 乾隆間任

關學求 乾隆間任

關學周 乾隆間任

黃立林 嘉慶間任

關家壁 加捐國子監典簿

韋連 嘉慶間任

林崇本 嘉慶間任

韓光訓 道光間任

韓啟周 道光間任

姚受爵 同治六年加捐訓導

陸載嶽 咸豐間任

陸聯珠 同治六年加捐訓導

莫訓道 同治十一年

韓作式 同治教職

韓公弼 同治教職

彭壽祺 同治教職

蕭榮康 同治教職六品

姚錯新 光緒間廩貢

關行修 光緒間廩貢

陳文思 光緒間

李吉泰 光緒間廩貢

吳深 光緒二十二年廩貢

永安州志

卷四

廩生

陽慎武

莫炳然

杜錫齡

楊焯坤

楊待彥

黃步雲

吳祺珠

關維乾

唐錫鬯

關紹昌

蘇玉

溫大文

章乃禮

呂聲洪 保舉縣丞

姚鉅年

溫葆瀾

潘品朝

刁循德

陳培槐

黎綿熙

農慶餘

黃鳳梧

姚善鏞

韓兆綸

范雲梯

蕭韶美

溫德溥

李瞻荆

陸錫壽

姚克讓

盧文燦

黃緝純

黃繼純

附貢

莫斐韶

韓滄

陳大顯

韋之愷

關忠



莫讓錦	陳已振	陳本知	黃殿蘭	莫若濟
韓普廷	韓光漢	章之梯	李常菁	陳嘉福
黎紹熙	陸暢園	李敬端	黃啟純	姚亦新
阮耀林				

增生

韓交	姚灼	楊正烈	陳本懋	李翰
----	----	-----	-----	----

吳繼周	蕭春元 <small>保舉縣丞</small>	呂元律	莫世熙 <small>保舉藍翎縣丞加同知銜</small>	
-----	-------------------------	-----	-------------------------------	--

農協恭 <small>保舉訓導</small>	關維坤	周治邦	李友蓮	莫維一
-------------------------	-----	-----	-----	-----

黃善寶	韓作衡	關尙德	莫紹光	梁秀松
-----	-----	-----	-----	-----

莫昌奎	黃小成	黃晉錫	吳永朝	黃文禮
-----	-----	-----	-----	-----



封贈

黃三錫 勲封徵仕郎妻姚氏勲封孺人

關 磔 勲封修職郎妻姚氏勲封孺人

關 信 勲封修職郎妻陳氏馮氏勲封孺人

楊集成 勲贈儒林郎妻湯氏勲贈安人

楊 清 勲贈儒林郎妻陳氏勲贈安人

陳 詩 勲贈奉直大夫妻伍氏勲贈宜人

楊文奇 勲封修職郎妻 氏勲封孺人

袁朱教 勲封修職郎妻蒙氏勲封孺人

黃 琇 勲封修職郎妻吳氏勲封孺人

永安州志

黃 斑 勲封修職佐郎妻楊氏勲封孺人

楊拔榮 勲封修職佐郎妻劉氏勲封孺人

李元輝 勲封修職佐郎

莫 戰 勲封文林郎妻覃氏勲封孺人

陳光政 誥封奉直大夫晉封奉政大夫再晉贈武顯將軍妻楊氏周氏誥封宜人晉封夫人妾鄧氏以子貴誥封宜人

陳本彝 誥封奉直大夫晉贈武功將軍妻黃氏梁氏誥封宜人晉封夫人

陳本懋 誥授奉政大夫妻黃氏誥封宜人

陳德浩 誥贈武功將軍妻李氏誥封夫人

陳大顯 誥贈振威將軍妻韓氏黃氏誥贈一品夫人



陳本行

誥贈振威將軍妻朱氏施氏誥贈一品夫人

陳巳理

誥贈振威將軍妻韓氏誥封一品夫人

陳培桂

誥贈振威將軍妻尹氏誥贈一品夫人繼室袁氏誥封一品夫人

李愈梅

勅贈修職郎妻黃氏勅贈孺人



福壽

銀健臣

乾隆六十年賜九品嘉慶十四年賜肉帛妻莫氏齊眉

湯嗣蔚

乾隆六十年賜九品壽八十三歲妻李氏齊眉

楊文賢

乾隆六十年賜九品嘉慶十四年賜肉帛時年八十六歲妻梁氏齊眉

黃柳

乾隆六十年賜九品壽八十五歲

陸元志

乾隆六十年賜九品壽七十五歲

農元韜

乾隆六十年賜九品

姚際廣

暨妻馬氏嘉慶十四年賜肉帛時年七十六歲

李岑

東平里三甲茶山村人年九十七歲妻羅氏九十三歲五世同堂道光元年二月恩賜文林郎七葉衍祥匾額賞穿黃馬褂銀二百兩

永安州志

福壽

三九

陸載森

字暢園附貢東平里廼龍村人性溫厚喜施予生平以厚道待人凡遇緩急有求必應至建廟宇造橋梁各美舉莫不捐貲倡首雖處亂世猶敦行不怠焉宜其後嗣蟬聯鵲起克紹書香德能昌後之說信不誣也享壽七十四歲

李智友

年七十七歲妻凌氏現年七十六歲

黃立綱

年八十八歲四世同堂學使錢賜額曰壽如松柏

劉好賢

歲貢生純良忠厚壽七十歲

劉體成

咸豐間以辦團功州主羅保舉六品縣丞獎額曰誼敦守助巡撫勞獎額曰功在鄉間

黃珍

附生樂善好施創建粟攬渡府尊唐獎額曰敦厚退讓年八十七歲

李清華

年八十二歲四代同堂世襲土舍光緒甲午科恩賜副榜

韓鎮周

國學生配倪氏齊眉學使趙獎額曰庭幃具慶



黃元魁 眉江里人現年八十六歲

溫德善 年八十五歲妻蕭氏齊眉學使詹獎額曰壽域同登

姚玉德 年八十三歲妻蒙氏齊眉學使黃獎額曰雙星耀彩

高善行 現年八十六歲

胡國祥 現年八十一歲

何德源 現年八十二歲

易達之 六品軍功現年八十二歲

余億中 六品軍功現年八十一歲學使黃獎額曰珂里增榮

莫賢福 杜莫寨人現年八十四歲

梁曰星 杜莫寨人現年八十二歲

永安州志 福壽

廖南玉 附生現年八十歲

農健周 現年八十三歲

蒙勝和 年八十三歲



人物志第六下

列女

陰教所先風詩稱首一部著錄中壘爲古所紀賢明孝烈不以一名也顧閩範爲則亮明白之節者多焉雖曰徽美未殊斯固女德之尤重矣自懷清客秦始見坊表然官文書稽抑浮游取索之費窶者病之且又限年有制鄰曲有結不能不約以一切之法孤苦之懿或以沉矣嶺表陋習函於風聲昭示之道故宜從厚今所登載惟採鄉論不以樹芳有無年歲符不符判也州舊有坊今久或類去貞皎之色不隨興廢仍錄存之二孝婦坊一雍正三年爲唐美烜妻藍氏建者一乾隆四年爲馮殿魁妻全氏建者均在城南門外一清標彤管坊乾隆二十一年爲拔貢生陳詩妻伍氏建者在城北門外大街一節孝坊嘉慶十七年爲生員楊遂榮妻黃氏建者在城南護龍橋頭一節婦坊嘉慶十七年爲增生陳光典妻湯氏建者在城南門外一旌表坊嘉慶十七年爲生員陳本善妻莫氏生員陳本直妻覃氏雙節建者在城東門外永定橋左一節孝坊在州城南向明坊外石字剝蝕不可考矣近有善表揚者合數存歿擇通衢總建大坊費節而名顯江左諸勝邑多有如此者於窮陋處尤便此又好義者之所先矣其有壽母多秉懿德亦得天優矣以併於終篇



節孝

黃氏 龍騰雲妻起淵母年二十六夫亡起淵方九歲時值亂離携孤避難山中備嘗艱苦寇平歸廬舍灰燼幾至露處買書教子得列衣冠州主丁旌以匾額

莫氏 監生姚承業妻有子而夭勸夫娶妾陸氏莫生元蒿陸生元凱俱幼夫亡莫氏年二十九陸年二十五同居守節耕績撫孤二俱列宮牆州主丁旌以額曰雙節

藍氏 唐美烜妻姑病篤醫禱不效氏年十九潛割股作羹以進姑得愈姑有癩病氏復割股以療避難山中以乳養姑姑亡時美烜遠出藍竭力殫殮撫養弟姪為之婚娶雍正三年以孝婦建坊旌表之

伍氏 拔貢生陳詩妻年二十五夫沒遺一子三歲氏矢志不嫁家貧紡績以供菽水翁卒無力營塚畚築皆躬親姑患癰危迫諸醫弗効一醫曰毒深非口吮拔去毒根不能救也氏虔禱於夫靈為吮之姑始生氏調治半年目不交睫乃愈人服其孝乾隆二十一年旌

永安州志

節孝

三

金氏 馮殿魁妻乾隆四年旌

黃氏 庠生楊遂榮妻鹽運司知事楊正謨母年二十二夫沒誓不再適能以婦兼子道姑哭子喪明醫罔効氏為舐之年餘復明訓子極嚴紡績以伴讀稍倦即涕泣相勗正謨年十六入泮舉優令就鹽運司知事以慰翁姑心嘉慶十六年旌

莫氏 庠生陳本善妻年二十七夫沒姑亦孀氏上事病老之姑下撫數齡之子茹荼自甘未幾夫弟本直亦沒氏偕直妻覃氏紡績供菽水以教子讀子已振成附貢嘉慶十六年旌

覃氏 庠生陳本直妻年二十夫卒子亡栢舟自矢與嫂莫氏同志一門雙節合州重之以胞姪已振子為孫嘉慶十六年旌

湯氏 幼嫻女訓言笑不苟年二十適增生陳光典數年無嗣請於翁姑勸夫納妾夫沒年二十七終日悲泣水漿不入口欲從夫地下姑曰幸妾有遺腹倘陳氏不絕汝死予老誰撫孤成立乎氏始食姑慟子鬱成痰症痰壅幾斃氏以口出之始甦州人咸謂氏堪為吾州婦道訓嘉慶十六年旌



黃氏 儒童莫浩妻年十六適浩十九浩卒翁姑憐其少而無子欲嫁之氏毀容剪髮以自矢願代夫奉二親老親爲繼一子名珮州主戴鈞表其閭曰孝節可風

李氏 雷詠妻年二十一詠卒生一子三歲夭誓不更適或以無子勸氏曰夫之祀在少叔矣吾去數歲之叔決難長成夫祀斬矣無叔且不嫁况有叔可延夫祀茹荼飲藥勤勞家務撫弟成人以姪電煌爲夫祀學使劉旌以額曰鐵骨冰心

關氏 四川嘉定府經歷關學閔次女縣學生韓業昌妻年十七夫卒家徒四壁氏矢死靡他苦守遺腹子長已抱孫矣子與孫相繼以沒顛連困苦不易心者三十九年合族憐之繼胞姪道立之次子爲孫

姚氏 儒童韓世昌妻年二十六夫沒遺二子長憤立次胥立氏志堅金石誓不再適未幾長子死與媳楊氏共矢冰霜兩代苦節人咸敬之

楊氏 附生黃鶴翔妻年二十五夫卒無嗣氏毀容自誓節烈之氣溢於眉宇無敢勸再適者繼族姪道宗爲子家寒

永安州志

節孝

畫荻自教入邑庠焉

湯氏 武生莫若肩妻庠生世典母年二十夫沒遺一子氏苦志自守代夫事翁姑撫幼子世典成名閭里重之

姚氏 州城北廂廩生關維乾妻咸豐元年合家避洪逆之亂於新墟夫病故氏哀切不欲生以姑老留身以侍以婦代子極盡孝愿經避亂姑有時舉步艱背姑行不辭勞苦

吳氏 東平里庠生岑柱嵩妻避亂油麻砦砦破甯死不辱

黃氏 東平里附生陸載桂妻青年守節現年七十八歲

何氏 附生韓超鬢母年十九歲守節郭文宗旌額曰志凜冰霜

莫氏 武舉梁上保妻青年守節孝事翁姑現年七十歲

姚氏 龍定里關未修妻青年守矢志不移夫死家徒四壁無以爲活父母憫其無依接歸奉二親克盡孝道現年七十三

莫氏 東平里馬品嘉妻青年守節年八十



黃氏 東平里陸載禎妻附生聯球母青年守節年六十歲

關氏 陸肇達妻教職載嶽母青年守節歿年六十二歲

陳氏 莫志道妻年十九夫亡無子守節現年七十五歲

莫氏 關維行妻避亂砦中砦破甯死不辱年二十二歲

范五妹 東平里敬光女避亂蓮花砦砦破甯死不辱年十七歲

劉氏 眉江里莫枉道妻年二十八夫亡守節五十四年州主秦旌額曰貞榮四代八十二歲而終

莫氏 關維彥妻年二十四守節孝事翁姑學使李旌額曰栢節松齡現年七十二歲

姚氏 關維鄉妻夫故守節三十餘年歿年六十二歲

陸氏 武生蘇採玉妻咸豐七年五月被賊破砦甯死不辱

韋氏 廩生蘇玉妾咸豐七年五月被賊破砦捉獲甯死不辱

永安州志

節孝

四

黃氏 唐功烈母青年守節沒年八十二歲

吳氏 武生黃錦清母青年守節沒年七十五歲

何氏 黃鶴翔妻年二十二守節四十無異沒年六十二

關氏 黃鳳見妻附生餘慶母年二十六夫為匪害守節三十年無異志年七十歲

莫氏 黃宜宗妻年二十二守節歿年五十七歲

李氏 增生梁秀松母青年守節現年七十歲

陸氏 明世光妻二十二守節三十餘年無異志

陸氏 劉體懋妻年二十二守節州主秦旌額曰堅節長生八十歲而終

韓氏 吳以誠妻庠生潤森母年十九守節貞靜不移

莫氏 附生劉儼妻廷發母青年守節歿年九十五歲



壽母

何氏 附生劉挺妻中年守節撫孤池學使贈額曰淑德 年百歲終

唐氏 武生梁國楨妻附生殿保母年八十四歲

楊氏 附生梁國祥妻武舉上保母年八十五歲

關氏 監生梁國材妻年八十三歲

李氏 附生姚體灝妻五代同堂年九十三歲終

陸氏 監生姚秉聰妻學使郭贈額曰慈竹長春年八十歲終

韋氏 黃允鑑妻年八十六歲終

韋氏 梁顯達母現年八十三歲

莫氏 陳已瑛妻現年八十二歲

永安州志

壽母

四

陸氏 附生陳立揚妻現年八十六歲

韓氏 陳景球妻現年八十一歲

王氏 附生溫清妻年八十一歲

陳氏 監生蕭龍康母年八十一歲

黃氏 莫若胥妻現年八十四歲

潘氏 韓光傑母現年八十六歲

袁氏 龍廻里仙女村莫 妻現年八十八歲

潘氏 覃肇盛妻年八十四歲

陸氏 何祈修妻年八十二歲

陸氏 楊成嬌母現年八十一歲



張氏 舉人杜隆瑜妻咸豐九年九月十三日赭寇石大開之亂罵賊殉難年六十一歲

祝氏 張遇進妻年二十五夫故有遺腹四月人勸改嫁矢志靡他雙親在堂孝養極承撫兒成立且創業子孫今蕃衍守節三十四年而終

潘氏 武生陽斗璣妻清操淑德孀居家徒四壁撫孤苦守年八十三歲終

唐氏 庠生陽晰融妾咸豐十一年賊破官巖自投水濱不受賊汚年二十三

徐氏 莫觀德妻咸豐十一年賊破官巖偕唐氏投水死節年十八歲

韋氏 童生黎朝柱繼母青年守節現年六十歲光緒十三年旌

莫氏 黃中彝妻附生宗周青年守節奉姑至孝撫幼子三人二子成名學使劉旌匾曰貞靜可旌沒年六十七歲

關氏 庠生黃芝雲妻年二十守節奉姑至孝教子承恩入邑庠焉歿年六十歲

周氏 六品軍功黃瑞隆妻年二十六夫歿立嗣教之極嚴姑矢明侍之極孝趙學使旌額曰天挺貞操現年六十一歲

永安州志

節孝

哭

韋氏 范湛光妻青年守節歿年七十六歲

程氏 黃洪雲妻年二十守節奉姑盡孝年五十八歲終

蘇氏 陸定國妻年十七守節現年七十四歲



州學文庠生

李可信 李定邦 杜夢齡 陳鎮熙 陸顯珍

陳鎮國 杜召松 莫友乾 陳景琳 李錦城

陳嘉謀 刁循理 陸聯琛 韋乃仁 韋編榮

關述德 陸輔乾 莫昌貞 黃漢雲 吳潤森

韋子祥 莫昌林 韓超譽 陸柱臣 姚遷全

莫明典 莫昌伯 黃朝品 刁漢傑 黃文憲

李敬行 黃三錫 黃小成 李盛秀 關潛修

杜兆元 蕭泮香 黃金錫 莫昌綏 黃子才

永安州志

一

黃雲錦 余肇宣 姚受寶 韋占奎 阮贊勳

黃先喜 黃振立 梁作中 黃黼廷 陸鑑煌

李子超 李壯岳 阮作賓 韓寶華 張傳銘

廖成俊 馮輔清 陳福安 黃文瑾 馮國祥

黃粲兮 陸錫善 羅達揚 梁秀松 黃寶琳

姚靜邦 莫家祥 陸聯琛 黃文樂 李錦垣

韓邦楫 玉耀岡 韋佩錦 溫達年 溫紹光

韋廷珍 何雲瑞 黃正朝 覃鎮綱 陽啟泰

黃啟瑞 黃培芬 黃恩祥 黃錫金 陸兆廷



黃雲標 莫藏道 溫達居 關達修 陳嘉會

蕭增榮 陳善濟 陳品修 李瑞香 蕭粹文

覃文耀 馬吉甫 莫澤瀛 蔣鷹揚 覃自修

陳方夏 梁惠保 溫昆鳳 莫振翔 李錦標

黃榜魁 李盛泰 莫汝賢 陸錫光 李若楷

陳文炳 莫愷元 玉照南 陳慶文 曹崑

王丙科 姚受堯 莫負文 蔣邦棟 蒙朝爵

葉錦榮 廖安邦 余肇宮 周仁風 莫挺森

黃榜題 伍超榮 鍾兆麟 何士傑 關贊修

永安州志

梁振高 劉沛基 周槐森 蘇承忠 王紹榮

葉錦華 莫明常 陳慶榮 楊思培 蕭佩文

龍維楨 陳宗器 楊榮春 梁作棟 朱樹槐

范鍾嶽 陸聯輝 陳文明 蕭國馨 岑榮標

蘇元濤 岑樓 馮品清 陳開國 陳宗典

韋慶三 明瑞卿 黃鳳翥 黃鵠立 韋師古

張鶴椿 馬雲標 黃耀德 姚覆之 潘仕瀛

馬雲驤 陸錫祺 韋毓藻 黃餘慶 余春元

莫昌麒 陳嘉寶 姚受燮 潘耀 李辰生



李馨發	吳兆先	何雲燦	莫炳然	莫與京
黃明德	蕭煥文	姚克明	黃雲翰	莫昌經
馮泮清	廖星祥	張樹藩	關爵修	韋錫良
楊應祥	謝甘霖	黃達禮	黃桂榮	韋紹先
黃正書	龍榮光	蒙汝樾	李雲翹	陳啟兆
莫如德	黃菊華	湯盤銘	唐庚朝	阮作雲
黃恩綸	馬雲慶	莫畔道	莫憑道	莫幹臣
莫金符	莫惟一	莫希道	莫明黎	



州學文庠

李凌霄 莫與高 莫與藝 郭維翰 郭維升 陳鼎魁

盧繼耀 盧繼蔚 盧鍾祚 莫與善 唐輔 唐際虞

盧繼榮 盧鍾裕 唐尚益 郭有玳 郭有宏 姚元凱

韓栢 唐燦 何錫 盧國英 黃景章 莫經魁

何繼揚 姚任禹 黃正榆 張我旭 黃珍 盧揚廷

黃殿魁 陳孔訓 韓光趙 楊嘉榮 莫世卿 歐在文

黃善魁 黃玉琯 盧拱廷 黃知宗 黃元魁 黃婉

黃儒宗 韓嗣昌 黃羨宗 黃立士 黃上宗 莫讓鵬

黃健臣 黃健業 黃邁應 黃文應 覃允健 黃健忠

永安州志

文庠

又三

黃裕應 韓光序 黃健華 韋緝 陸檉林 陳竹林

陸栢林 雷電熙 陸立志 陸麟兆 莫若萱 李品俊

關以德 姚克昌 關家訓 盧華 盧芩 盧葵

黃允臣 韋統 韋可諫 黃相偉 陸松林 黃崇正

雷行 韋上卿 姚體瓊 唐就貞 韋一成 姚克柔

韋宗質



州學武庠生

韋錦魁 李安邦 李獻邦 陸定三 陳宗芝

莫友德 黃開基 黃寶慶 黃紹廷 莫宗道

陸坦平 莫一清 黃進純 陸聯璋 伍文瑞

蕭日達 姚克綱 黃耀廷 黃本立 馮定安

范世彰 覃占魁 黃作中 范華清 陳本昌

黃瑞明 陳永高 鍾廷瑞 倪祖振 廖振芳

韋應康 莫輔道 胡美舒 黃盛璋 蒙恩錫

歐顯魁 王紹中 歐毓秀 陳寶瑞 廖鳳華

永安州志

四

龍瑞猷 黃光廷 胡峻昇 莫遠道 陸榮生

王志文 黃月圃 陳宗蘭 周德舉 黃萃金

莫衍道 明顯邦 婁維昌 黃敬芬 韓兆綿

黃泰階 陳寶達 明輔卿 黃錦清 黃顯廷

葉作周 莫昌榮 明文卿 莫明初 蒙廣明

陳秀清 蒙立邦 歐以德 易普天 黃國安

尹鳳亭 黃培英 李盛圃 彭全德 韋德昌

劉燦樞 陳慶貴 韋獻彪 唐政明 黃見芝

麥兆年 明繼榮 吳禮春 梁秀軒 黃正卿



申奉揚 莫菲信 黃保邦 劉燕基 黃紹純

廖葆初 黃耀樞 岑獻魁 玉榮張 姚愛昌

賴德輔 李樹生 莫昌麟 李敬榮 尹鳳章

莫明輝 梁振家 覃國卿 蒙定標 胡家鳳

姚愛國 莫秉鈞 黃育英 張經蘭 黃瑞麟

莫夢熊 莫愆道 莫遜道 莫昌桂 莫明紳

陸康 陸檜林 梁本穗 陸麟祐 黃敬臣

陸梓林 姚玉堂 陳芳 黃相卿 陸梅林

陸勝舉 李茂光 黃宗典 陸麟嗣 莫慶道

永安州志

五

盧國美 韋守純千總職 黃殿政 溥維瑞 姚舜年

陳寶佳 鍾定超

